

Broj: 101-9389/19 DŽS
Zenica, 01.07.2019. godine

Na osnovu člana 69., stav 2., tačka (d), člana 70., stav 1.,4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-9387-1/19 DŽS od 01.07.2019. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka za nabavku drvene građe za oplatu

I
Poništava se postupak javne nabavke drvene građe za oplatu iz razloga što nije dostavljena nijedna prihvatljiva ponuda - član 69., stav 2., tačka (d), Zakona o javnim nabavkama.

II
Za izvršenje ove Odluke zadužuje se Komisija za nabavke.

III
Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-7658/19 BS od 24.05.2019. godine.

Javna nabavka je provedena putem konkurentskog zahtjeva za dostavu ponuda sa zaključivanjem okvirnog sporazuma. Procijenjena vrijednost javne nabavke bez uračunatog PDV-a je 49.000,00 KM.

Dana 24.05.2019. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-253-3-47/19 objavljena je i tenderska dokumentacija.

Poziv za preuzimanje tenderske dokumentacije broj: 713-7658-2/19 BS od 24.05.2019. godine upućen je sljedećim ponuđačima:

1. Nansi d.o.o.
2. INTER-COM d.o.o. Zenica
3. ALMY d.o.o. Zenica
4. AL-EX d.o.o. Zenica

Na osnovu Izvještaja o preuzimanju tenderske dokumentacije od strane ponuđača od 27.06.2019. godine u 11:44 sati, utvrđeno je da su sljedeći ponuđači preuzeli tendersku dokumentaciju:

1. AMPLITUDO d.o.o.
2. Ekapija d.o.o.
3. BBS Europe
4. DB-MREŽA Doboj
5. DRVOPLAST d.o.o. Busovača
6. ALMY d.o.o. Zenica
7. KOVAN M.I. d.o.o. Metalna industrija
8. INTER-COM d.o.o. Zenica
9. SUCASA - TVOJA KUĆA d.o.o. Travnik

Rok za dostavljanje ponuda je bio 11.06.2019. godine do 13:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1. INTER-COM d.o.o. Zenica
2. ALMY d.o.o. Zenica

Komisija za nabavku imenovana je Odlukom broj: 101-1/19 MS od 03.01.2019. godine.

Komisija za nabavku je dana 01.07.2019. godine direktoru preduzeća dostavila Izvještaj o radu broj: 716-9388/19 DžS od 01.07.2019. godine sa preporukom o poništenju postupka za nabavku drvene građe za oplatu.

U postupku, prema Izvještaju o radu Komisije, utvrđeno je da je:

- da je ukupan broj pristiglih ponuda 2 (dvije)
- da su blagovremeno zaprimljene 2 (dvije) ponude
- da nema neblagovremeno zaprimljenih ponuda
- ukupno 9 (devet) ponuđača je preuzelo tendersku dokumentaciju sa Portala javnih nabavki.

Dana 11.06.2019. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda (zapisnik u prilogu) i izvršila evaluaciju pristiglih ponuda u skladu sa traženim uslovima u tenderskoj dokumentaciji.

Komisija je izvršila i provjeru računske ispravnosti ponuda.

Nakon ocjene ponuda Komisija je sačinila Zapisnik o ocjeni ponuda broj: 716-9387/19 DžS od 01.07.2019. godine i provjerom sadržaja i validnosti dokumentacije, utvrdila sljedeće:

Uvidom u priloženu dokumentaciju, konkurentskog zahtjeva za dostavu ponuda broj: 713-7658-1/19 BS – nabavka drvene građe za oplatu, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena bilo kojeg ponuđača neprirodno niska.

Ponuđači su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 14.06.2019. godine, u terminu od 12:00 sati. Ponuđač ALMY d.o.o. Zenica je dostavio dokaz o preferencijalnom tretmanu domaćeg.

Ponude ponuđača, prije početka e-aukcije su:

1. INTER-COM d.o.o. Zenica, sa ukupnom cijenom ponude u iznosu od 49.942,45 KM bez PDV-a
2. ALMY d.o.o. Zenica, sa ukupnom cijenom ponude u iznosu od 51.285,00 KM, bez PDV-a

E - aukcija je održana u zakazanom terminu.

U e-aukciji ponuđači nisu mijenjali iznose svojih ponuda.

Uzimajući u obzir da se prilikom poređenja ponuda obavezno primjenjuje umanjenje cijene ponude za 5% na ponudu ponuđača ALMY d.o.o. Zenica koji je dostavio traženi dokaz o preferencijalnom tretmanu domaćeg, konačne ponude, nakon završetka postupka e-aukcije su:

1. ALMY d.o.o. Zenica, sa ukupnom cijenom ponude u iznosu od 51.285,00 KM, bez PDV-a
2. INTER-COM d.o.o. Zenica, sa ukupnom cijenom ponude u iznosu od 49.942,45 KM bez PDV-a

Kako se nakon provedene e-aukcije desilo da ponuda prvorangiranog ponuđača premašuje vrijednost Konkurentskog zahtjeva te da je zbog uračunavanja preferencijalnog tretmana domaćeg rangirana na prvo mjesto ugovorni organ se dana 17.06.2019. godine obratio Agenciji za javne nabavke BiH sa upitom da li se u konkretnom može zaključiti ugovor sa prvorangiranim, odnosno, ukoliko ne može da li se u ovoj situaciji ugovor dodjeljuje drugoragiranom ponuđaču.

Dana 24.06.2019. godine na protokolu ugovornog organa je pod brojem 716-9212/19 zaprimljen odgovor Agencije za javne nabavke BiH, broj: 02-02-1-1809-2/19 u kojem se zaključuje:

„Ponuda koja se primjenom preferencijalnog tretmana smatra najpovoljnijom prelazi vrijednosno razred u odnosu na provedeni postupak te ugovorni organ ne može u ovoj situaciji prilagoditi svoj budžet i rasporediti dodatna sredstva i dodijeliti ugovor. Također, nije dozvoljeno dodijeliti ugovor ponuđaču koji nije prvi na rang listi bez obzira što je njegova cijena ponude u okviru osiguranih sredstava za predmetnu nabavku“.

Polazeći od navedenih konstatacija, a uzimajući u obzir član 87. stav (2) Zakona o javnim nabavkama prema kojem ugovorni organ provodi postupak konkurentskog zahtjeva za dostavu ponuda u slučaju da je procijenjena vrijednost za nabavku robe manja od iznosa od 50.000,00 KM, te da je i nakon provedene e-aukcije cijene prvorangirana ponuda iznad procijenjene vrijednosti za predmetnu nabavku, kao i iznad navedenog vrijednosnog razreda za provedeni postupak nabavke, Komisija je ocijenila da nijedna ponuda nije prihvatljiva za ugovorni organ (član 68., stav 4., tačka (j) ZJN), te dala Preporuku da se poništi postupak nabavke drvene građe za oplatu iz razloga što nije dostavljena nijedna prihvatljiva ponuda - član 69., stav 2., tačka (d), Zakona o javnim nabavkama

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (d) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove Odluke.



DIREKTOR:

Pašalić Emir
Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom. dir. za razvoj i investicije
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a